

Jém carta jém ijáyayñewiip Pablo jém Filemón

Jém Pablo ijáyaypa jém Filemón

¹Ich aPablo, apajnetá jém Jesucristo icuyucmi, con jém tantíwi, jém Timoteo, siip manjáyaytámpa miFilemón, mantoytampáppic, jém tanwaganayoxapaap.

²Anjáyaypatim jém tantíwi, Apia, con jém tancompañero jém Arquipo con itumpiy jém Dios ipixiñtam, jém aṅtuumayajpaap mich inñicciim. ³Siip tanJatuj Dios con jém tánQmi Jesucristo miwíwadaytámiñ, michiitámiñ jém wibic paz iga odoy micijntámiñ.

Jém Filemón tsam tóyóypa, tsam icupicpa jém Jesucristo

⁴Siempre anchiiba gracia tanJatuj Dios cuando manjjspa mimich iganam aṅwatpa oración.

⁵Porque ammatonje iga tsam inñoypa jém tánQmi Jesús y tsam inwícupicne. Ammatonjetim iga agui inñoypa itumpiy jém icupicneyajwiip Dios. ⁶Aṅwagáypa Dios iga seguido ininquejáypa jém icupicneyajwiip Dios juuts mich inwícupicne iga wiañ icutihiyyaj itumpiy jém wibic cosa, jém

tachiñewiip tánQmi Cristo. ⁷Ich tsam amaymay, dá aṅyácpa, porque mich tsam inñoypa jém tantíwitam. Siip mantíwi, mimich inwícuyucmi jém Dios ipixiñtam icamamwatyaj ianama.

Jém Pablo iwácpa tum favor para jém Onésimo

⁸Jeeyucmi, aunque anaif derecho iga mampiimíypa jém Cristo inñiyimi iga ti wíap inwat, ⁹más wí iga manwunucsóypa iga inwadiñ juuts ich ansunpa porque agui mantoypa. Ich aPablo, ich awiḍayam, siip apajnetá jém Jesucristo icuyucmi. ¹⁰Siip manwunucsóypa iga inwípicstóniñ jém immozo Onésimo cuando núcagaca inñicciim porque tsíy juuts tum ammanic, porque yim jut apajnetá, moj icupic jém tánQmi.

¹¹Wiñic yip Onésimo tum esclavo dá para ti wí para mimich. Pero siip wí para mimich y wí para aich. ¹²Siip manwunucsóypa eybic, jesic picstóni juutstím aich ampictsonpa. ¹³Ich ansunpa idic iga tsíyñ jém Onésimo con aich iga ayoxpádiñ juutstím mimich iganam apajnetá jém wibic aṅmaṭi icuyucmi.

¹⁴Pero dá fi wiap anwat siiga dá inwianjam. Siiga anwíwadáypa, dá mampiimáypa. Wati juuts mich inxunpa. ¹⁵Ich animpa iga michaganputne idic tum tiempo jem Onésimo iga impictsonpa eybic iga wiañ inwaganait para siempre. ¹⁶Dam juuts tum esclavo, pero más que juuts tum esclavo, juuts tum inñiwi jem tsampic inñoypa. Ich antoypa, pero mimich tienes que más inñoypa porque siip miwicuyoxap y tsýtim juuts tum inñiwi porque icupicpatim jem tánQmi.

¹⁷Siiga tacompañero, jesic wipictsoni jem Onésimo juutsím aich mismo. ¹⁸Siiga mimalwadayñe o siiga mijatsne, jesic ich atseeci, manyojáypa. ¹⁹Ich aPablo manjáyáypa ançimi así: Ich manyojpa. Pero jisi iga mich mismo anjatsneñim inyaac. ²⁰Numa, mantíwi, ayoxpaati porque inçupicpa jem tánQmi.

Acmaymáayaji iga odoý anýáguñ ánanamanjom porque Cristo tamiichítam.

²¹Manjáyáypa porque ich anjodon iga mich ançupicpa. Anjodonjim iga más inwatpa que juuts mannímáypa. ²²Manwágáypatim iga awitsagaayi tum lugar juú anúcpa. Porque anjisa iga Dios mimatónáypa inñoración iga acutsigaytáñ iga eybic nicpa manjóyáy.

**Anquímtap jem Filemón
con jem inñiwitam**

²³Micutsadáypa watidios jem Epafras, awagapajnetatim iga icupicpa Jesucristo.

²⁴Micutsadáypatim watidios jem Marcos, jem Aristarco, jem Demas y jem Lucas, jem anwaganayoxayjpaap.

²⁵Siip jem tánQmi Jesucristo miwíwadaytamiñ mimichítam inñanamanjom. Jemum cuyaj.